

說文解字義證

卷三十四

第二十四冊

說文解字

卷一

上

說文解字第十一

義證第三十四

曲阜桂馥學



水出東郡濮陽南入鉅野從水僕聲

博木切

水出東郡濮陽者水經注瓠子河云秦始皇置東郡治濮陽縣濮水逕其南故曰濮陽也又引京相璠曰濮水故道在濮陽南水經瓠子河出東郡濮陽縣北河東至濟陰句陽縣爲新溝又東北過廩邱縣爲濮水馥案此乃濮之枝渠地理志陳畱郡封邱縣濮渠水首受沛東北至都關入羊里水酈注瓠子北有都關縣故城縣有羊里亭瓠河逕其南爲羊里水釋例土地名哀二十七年傳濮下注云濮自陳畱酸棗縣受河東北經濟陰至高平鉅野縣入濟史記衛世家石碯與陳侯共謀因殺州吁于濮索隱曰賈逵云濮陳地按濮水首受河又受汴汴亦受河東北至離狐分爲二俱東北至鉅野入沛則濮在曹衛之間賈言陳地非也若據地理志陳畱封邱縣濮水受沛當言陳畱水也春申君傳王又割濮磨之北集解云徐廣曰濮水北於鉅野入濟馥謂此皆濮渠也南入鉅野者地理志東郡濮

陽縣下應劭曰
濮水南入鉅野

灤

切

齊魯閔水也從水樂聲春秋傳曰公會齊侯于灤盧谷

灤

水在魯從水龍聲苦郭切

齊魯閔水也者五經文字灤齊水名玉篇灤水在濟南寰宇記歷城縣灤水在縣西南二百步曾鞏齊州二堂記歷城之西有泉涌出高或至數尺其旁之人名之曰趵突之泉蓋泉自渴馬之崖潛流地中而至此復出也其注而北則謂之灤水水經注濟水云濟水又東北灤水入焉水出歷城縣故城西南泉源上奮水涌若輪又北流注于濟謂之灤口也春秋傳曰公會齊侯于灤者桓十八年經文杜注灤水在濟南歷城縣西北入濟

水在魯者春秋襄十九年取邾田自鄒水杜注鄒水出東海合鄉縣西南經魯國至高平湖陸縣入泗京二年季孫斯叔孫州仇仲孫何忌帥師伐邾取鄒東田及沂西田范甯云鄒沂皆水名九域志兗州鄒縣有鄒水寰宇記費縣

鄒水源出縣西南連青山下左氏襄十九年取邾田自鄒水今按水發源自山下東北流又折而西南流入徐州滕縣界水經泗水云又西過瑕邱縣東屈從縣東南流鄒水從東來注之鄆注鄒水出焉每合鄉縣其水西南流入邾又逕魯國鄒山東南而西逕春秋左傳所謂嶧山也又西南逕蕃縣故城南又西逕蕃縣故城北又西逕仲虺城北又西至湖陸縣入于泗故地相璠曰薛縣鄒水首受蕃縣西注山陽湖陸是則經言瑕邱東誤百

淨

魯北城門池也從水爭聲

士耕切又才性切

魯北城門池也者顧炎武曰公羊閔公二年傳桓公使高子將南陽之甲立僖公而城魯或曰自鹿門至於爭門者是也或曰自爭門至於吏門者是也注爭門吏門並闕按說文淨魯北城門池也从水爭聲士耕切是淨門卽以此水名省文作爭爾後人以澇字省作淨音才性切而梵書用之自南北史以下俱爲才性之淨而魯之爭門不復知矣馥案字或作埒廣韻淨魯城北門池也

水

出東郡東武陽入海從水鼎聲桑欽云出平原高

唐

他合切

水出東郡東武陽者郡國志東郡東武陽濕水出又平原
郡高唐濕水出又平原有濕陰縣應劭曰東武陽在武水
之陽水經注以武水即濕水六書故云濕漢志作濕禹貢
浮于濟漯達于河孟子于淪濟漯而注諸海是也史記夏本
紀浮於濟漯索隱漯水出東郡東武陽縣北至千乘縣而
入于海地理志東郡東武陽禹治漯水東北至千乘入海
過郡三行于二十里穆天子傳天子自五鹿東征釣于漯
水又云天子飲於漯水之上注云漯水今濟陰漯陰縣音
沓揚雄兗州箴濟漯既通水經注河水云故瀆又東北入
東武陽縣東入河又有漯水出焉戴延之謂之武水也鄭
注尚書漯水出東郡東武陽陳琳爲袁紹檄豫州文青州
涉濟漯太康地記漯沃縣屬樂陵國元和志齊州臨邑縣
漯水北去縣七里通典漯水在漢之東郡東武陽縣今魏
郡莘縣有東武陽城無此水矣漯音他合反又棣州蒲臺
縣下云漢漯沃縣漢志千乘郡涇沃水經注河水作漯沃
又引地理風俗記曰千乘縣西北五十里有大河河北有
漯沃城又與漯涸後漢書襄楷傳平原隰陰人注云隰陰
縣在漯水之南漢書王子侯表濕成侯忠史記作隰即西

河之隰城縣哀二十三年左傳戰於犁邱杜云犁邱隰也
釋文作濕云本又作隰隰隸變從冪北魏鄭義碑原隰生
光又變從冪建城鄉侯劉靖碑隰作隰釋地下淫曰隰陸
德明本作隰云隰本或作隰音習後魏武德于府君義橋
碑隰又作隰荀子不苟篇窮則弃而隰楊注隰當爲濕字
書無隰字韓詩外傳作弃而累也五經文字隰兗州水名
經典相承以爲燥淫之淫別以潔爲此字華嚴經音義淫
失入反經本有作濕者音他合反此乃平原郡之水名耳
廣川書跋郵閣頌驛散關之嶰潔徒朝陽之平燦潔當作
濕燦當作燥馥案孫叔敖碑下濕礲礲皆以濕爲淫字
入海者地理風俗記潔水東北至千乘入海唐高宗問許
敬宗曰書稱浮于濟潔今濟潔斷不相屬敬宗曰不言合
潔者潔自東武陽至千乘入海也桑欽云出平原高唐
者此出欽所作地理志班志平原郡潔陰下應劭曰潔水
出東武陽東北入海又高唐下桑欽言潔水所出功臣表
駟望侯冷廣以濕沃公士又濕陰定侯昆邪魏書地形志
樂陵郡有濕沃縣平原郡博平縣有濕水宗俱碑陰平原
濕陰郭巨石室畫象平原濕陰韓勅後碑陰平原濕陰王
宣蘇衡等題名平原濕陰馬象黃度曰以水經注元和志
寰宇記諸書考之濟水最南潔水在中河水最北今者小

清所經自歷城以東如章邱鄒平長山新城高苑博興樂
安諸縣皆古濟水所行而大清所經自歷城以上至東阿
固皆濟水故道而自歷城東北如濟陽齊東青城諸縣則
皆古漯水所行蒲臺以北則故河水所經蓋宋時河嘗行
漯瀆及河去則大清兼行河漯二瀆其小清河所行則斷爲
濟水故道也胡渭曰漢志東郡東武陽縣下云禹治漯水
東北至千乘入海又平原郡高唐縣下云桑欽言漯水所
出今按禹引河自大伾山而折而北循大陸東畔入海而
漯首受河自黎陽宿胥口始不起東武陽也水經注所敘
河水自宿胥口又東北逕滑臺城又東北逕黎陽縣南又
東北逕涼城縣又東北逕伍子胥廟南又東北逕濮陽縣北
河之故瀆出焉河水又東逕鐵邱南又東北逕濮陽縣北
又東北逕衛國縣南又東逕鄆城縣北又東北逕范縣之
秦亭西又東北逕委粟津皆古漯水也自周定王五年河
徙從宿胥口東行漯川至長壽津始與漯別其津以西漯
水之故道悉爲河所占而上游較短矣然河之故瀆不經
東武陽亦不經高唐迨漢成帝建始末河決館陶由東武
陽絕漯水而東北至高唐又絕漯水東北至千乘入海雖
嘗塞治而故道猶存王莽始建國三年復決於此莽爲元
城冢墓計不隄塞明帝永平中王景脩之遂爲大河之經

匹交切

五子

聲

古
俄切

說文解字義登

卷二十四

四

水在山陽湖陸縣南禹貢豫州導荷澤被孟豬傳云荷澤在湖陵地理志沛陰郡禹貢荷澤在定陶東案括地志謂之龍池又名九卿陂非荷水也鄭注禹貢云自導弱水已下言過言會者皆是水名言至于者或山或澤皆非水名馥案經云又東至于荷然則荷為澤名也傳寅禹貢集解云許氏說文云荷澤水在山陽胡陵而班固以為在定陶何也蓋在定陶者其澤也在湖陵者其流也其流東與泗合在今單州之魚臺魚臺在單之東北百里而近正古胡陵地也水經泗水又屈東南過湖陸縣南酈注地理志故湖陵縣也荷水在南王莽改曰湖陸應劭曰尚書一名湖陵章帝封東平王蒼子為湖陸侯更名湖陸也戴君震曰今漢書地理志山陽郡湖陵下云禹貢浮于泗淮通于河水在南莽曰湖陸應劭曰尚書一名湖章帝封東平王倉子為湖陵侯更名湖陵此條舛誤者八泗淮當作淮泗一也通于河當作通于荷二也水在南當作荷水在南三也尚書二字當在禹貢二字上不當在應劭曰下四也應劭時稱湖陸已久所引應劭語宜為地理風俗記湖陸縣之文一名湖當是一名湖陵校漢書者妄刪陵字以起下文有陵字為更名耳五也倉當作蒼六也為湖陵侯當作為湖陸侯七也更名湖陵當作更名湖陸八也道元此注亦

有尚書二字蓋校書者據漢志訛本增入說文荷字下云
荷澤水在山陽湖陵引禹貢浮于淮泗達于荷而水經濟
水內叙荷水云又東南過湖陸縣南東入於泗水道元注
亦引尚書浮于淮泗達于荷今尚書本皆訛作達于河以
尚書及前後漢書水經注互有舛誤彼此紛糾僅就一處
訂正終難了徹故備論之漢志泗水至方輿入沛實入荷
故謂之荷沛水經泗水又南過方輿縣東荷水從西來注
之酈注荷水卽沛水之所苞注以成湖澤也而東與泗水
合于湖陵縣西六十里穀庭城下水經洙水又東過方輿
縣北爲荷水荷水又東過湖陸縣南東入于泗水案由淮
達泗由泗達荷禹貢之故道如此元和志魚臺縣下云荷
水卽濟水也一名五丈溝西自金鄉縣界流入去縣十里
又東南流合泗水胡渭曰荷澤在陶邱之東北相去不遠
濟水伏流至陶邱北上奮馳波跳沫東北匯于荷澤又東
北絕鉅野至琅槐入海者爲濟瀆其一枝東南流至湖陵
入泗者後人目之曰荷水漢志湖陵縣下云荷水在南者
是湖陵今爲魚臺縣地也許慎云荷澤水在湖陵謂澤之
下流入泗者亦未爲誤自孔傳襲其文曰荷澤在湖陵而
遺一水字則在湖陵者爲澤矣釋至于荷又增一水字曰
荷澤之水則定陶之荷澤與湖陵之荷水無別矣酈道元

時孔傳已盛行故宗其說言尚書有導荷澤之說自陶邱
北東至於荷水又以湖陵入泗爲澤水所鍾而不知此特
荷澤之下流其所鍾則在定陶也且豫州導荷澤被孟豬
乃導荷澤之餘波南入于孟豬非謂東南至湖陵入泗之
荷水酈乃混而爲一種種紕繆皆爲孔傳所誤禹貢浮
于淮泗達于荷者禹貢當作夏書今書作河韻會浮于淮
泗達于河說者牽合傳會或指鴻溝引河入泗爲禹迹或
謂當時必有可達之理今按說文荷字注引禹貢此文則
是達于荷非達于河許慎所見蓋古文尚書後人傳寫例
以上下文達于河之句改荷爲河陸德明又以河音如字
遂啟後人淮泗不能達河之疑然其下復云說文作荷工
可切水出山陽湖陵南則非九河之河明矣如字之音陸
氏誤也金履祥曰浮于淮泗達于河古文尚書作達于荷
說文引書亦作荷荷澤與濟水相通而泗水上可以通荷
下可以通淮徐州浮淮入泗自泗達荷也閻若璩曰浮于
淮泗達于河陸德明引說文作荷蓋荷者澤名爲濟水所
經又東至于荷者是荏豫之東北卽徐之西北舟則自淮
而泗自泗而荷然後由荷入濟以達于河此徐之貢道也
或曰曷不詳言之余曰以上文兗州浮于濟漯達于河次
青州便浮于汶達于濟不復言達于河矣又次徐州浮于

淮泗達于荷亦不復言達于濟矣至楊州則沿于江海達于淮泗且不復言達于荷不復言者蒙上文也一層脫卸一層雖由當日水道之自然而其敘法從變字法從簡真屬聖經之筆

四

受沛水東入淮從水四聲

息利切

地理志魯國卞縣泗水西南至方與入沛過郡三行五百里青州川水經泗水出魯卞縣北山酈注地理志曰出濟陰

乘氏縣又云出卞縣北經言北山皆為非矣山海經曰泗水出魯東北余昔因公事沿歷徐沚路逕洙泗因令尋其源流

水出卞縣故城東南桃墟西北墟有漏澤澤西連岡通阜西北四十許里岡之西際便得泗水之源也博物志曰泗出陪

尾蓋斯阜者矣括地志泗水源在兗州泗水縣東陪尾山其源有四道因以為名元和志泗水源出陪尾山其源有

四四泉俱導因以為名馥案此皆發源之泗魯語宣公夏濫於泗淵注云泗在魯城北馥案此謂與洙合流之泗地

理志沛陰郡乘氏縣泗水東南至睢陵當濫陰入淮過郡六行千一百一十里馥案此受沛之泗泗之末流

受沛水者徐鍇本作水受沛水馥案受沛水者即荷水也閭若璩曰或問王伯厚謂漢志有兩泗水其一濟陰郡乘

氏縣注泗水東至睢陵入淮又一泗水魯國卞縣注西南至方輿入沛沛自沛之譌其說信乎余曰殆王氏考之不審泗一而已安得復出乘氏乘氏漢縣寰宇記在鉅野縣西南五十七里班固祇當於卞縣下注曰禹貢泗水出陪尾山西南至方輿與荷合又東南至睢陵入淮只此已足更進一層睢陵仍當作淮陰泗入淮在今清河縣東南謂之泗口亦名清口睢陵則今睢寧縣治耳馥案水經濟水又東至乘氏縣西分爲二其一水東南流其一水從縣東北流入鉅野澤酈注南爲荷水北爲濟瀆馥案漢志乘氏之泗水卽沛水泗既入沛沛又南流爲荷則竝受泗之通稱矣說文受沛水沛卽東南流之荷水漢志言入說文言受實不相背說文泗次荷下固有意也水經泗水又南過方輿縣東荷水從西來注之酈注荷水卽濟水之所苞注以成湖澤也而東與泗水合於湖陵縣西六十里穀庭城下馥謂此條若不與沛水參看則漢志說文皆不可通閻氏謂泗不得復出乘氏疏矣又案漢志出卞者泗之源也入沛者乃其中流非末流也乘氏有泗者言入沛之後與沛合而東入淮其合沛在乘氏非謂泗出乘氏也蓋沛卽荷故金仁山謂泗水上可通荷下可入淮也說文祇言其受沛入淮而不及其出卞一節者或因此一節與洙水合

流故就其分流受沛處舉之與東入淮者地理志乘氏泗水東南至睢陵入淮馥案乘氏以下之泗水經以爲沛水乃沛之支流合於泗而自乘氏入淮者泗之經流也本書謂受沛水東入淮者沛之支流隨泗入淮實泗入淮也郭注海內東經云今泗水至高平湖陸縣東南經沛國彭城下邳至臨淮下相縣入淮胡渭曰說文泗受沛水東入淮其所謂沛卽荷水也酈善長云沛在湖陸西而左注泗泗沛合流地記或言沛入泗泗亦言入沛故有入沛之文渭按班固謂泗入濟許慎謂泗受濟而不言荷以荷卽濟也水經濟水篇所敘自乘氏以至湖陸卽分濟之荷自沛縣以至睢陵卽入淮之泗也通典兗州刺史劉遐自彭城退屯泗口寰宇記宿遷縣有泗口馥案淮水經宿遷縣界卽泗入淮之處故曰泗口



水在齊魯間從水亘聲

羽元切

趙策相與會於洹水之上韓非子初見秦篇昔紂爲天子甲兵百萬左飲於淇谿右飲於洹谿淇水竭而洹水不流竹書紀年文丁三年洹水一日三絕魏志武帝紀畱蘇由審配守鄴公進軍到洹水北史齊高祖紀同會鄴挾洹水

而軍 隋書禮儀志後齊所祭山川有洹

水在齊魯閔者齊當為晉水經洹水出上黨泫氏縣東過

隆慮北又東北出山過鄴縣南又東過內黃縣北東入于

白溝酈注水出洹山在長子縣也又云許慎說文呂忱

字林竝云洹水出晉魯之閒馥案河朔訪古記亦引作晉

字此水出漳德府林縣東北流至安陽縣城北折而東南

流入衛河去齊地遠矣廣韻洹水名在鄴玉篇洹水出汲

郡隆慮縣成十七年左傳初晉伯夢涉洹杜注洹水出汲

郡林慮縣東北至魏郡長樂縣入清水釋例洹出汲郡林

慮縣東北至信城入張甲河北山經神囷之山黃水出焉

而東流注于洹注云洹水出汲郡林慮縣東北至魏郡長

樂入清水隋圖經洹水出隆慮縣西北俗謂之安陽河即

聲伯夢涉之水源出林慮山下平地九域志相州林慮縣

有洹水寰宇記林慮縣漢隆慮縣屬河內郡洹水出縣西

北俗謂安陽河即聲伯夢涉之所源出林慮山東平地林

慮山在縣西二十里輿地廣記相州臨漳縣本鄴縣後周分東北界置洹水縣

河澨水在宋從水澨聲於容切

河灘水在宋者釋水水自河出為灘又云灘反入郭云即河水決出而復入者河之有灘猶江之有汜廣韻作灘云水名在宋又作雍淮南人閒訓楚莊王勝晉於河雍之閒列子黃帝篇雍水之潘為淵注云雍音擁河水決出還復入也釋名水從河出曰雍沛言在河岸限內時見雍出則沛然也

澶淵水在宋從水亘聲切市連

澶淵水在宋者玉篇澶淵在頓邱縣南十三州志澶水在頓邱西南三十五里伏流至繁城西南郡國志沛國杼秋有澶淵聚水經注河水云大河之北即東武陽縣也左會浮水故瀆故瀆上承大河于頓邱縣而北出東逕縣故城南應劭曰縣在縣水之陽張晏曰縣有縣淵春秋襄公二十年經書公與晉侯齊侯盟于澶淵杜預曰在頓邱縣南今名縣淵澶淵即縣淵也亦謂之浮水焉馥案今本杜注繁淵作繁汙云此衛地又近戚田范甯亦云衛地九域志澶州臨河縣有澶淵寰宇記澶淵在臨河縣東南十七里在黎州東北八十里馥案臨河縣魏東黎縣地魏分汲郡置黎陽郡所領有東黎縣此非宋地